

Na osnovu člana 5. stav (1) Zakona o carinskoj tarifi ("Službeni glasnik BiH", broj 58/12) i člana 17. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08), na prijedlog Ministarstva vanjske trgovine i ekonomskih odnosa Bosne i Hercegovine, Vijeće ministara Bosne i Hercegovine, na 102. sjednici, održanoj 25. juna 2014. godine, donijelo je

**ODLUKU
O PRIVREMENOJ SUSPENZIJI I PRIVREMENOM
SMANJENJU CARINSKIH STOPA KOD UVOZA
ODREĐENIH ROBA DO 31.12.2014. GODINE**

Član 1.

(Predmet Odluke)

Ovom Odlukom propisuju se kriteriji za određivanje roba koje će se uvoziti do 31.12.2014. godine, uz korištenje privremene suspenzije i privremenog smanjenja carinskih stopa utvrđenih u Zakonu o carinskoj tarifi ("Službeni glasnik BiH", broj 58/12), u daljem tekstu "tarifne suspenzije".

Član 2.

(Spisak roba)

- (1) Robe koje će se do 31.12.2014. godine uvoziti uz korištenje tarifnih suspenzija, utvrđuju se prema kriteriju da se radi o materijalima i sirovinama koji se koriste u vlastitoj proizvodnji a koje se ne mogu nabaviti na domaćem tržištu u količinama i kvalitetu potrebnom za proizvodnju gotovih proizvoda.
- (2) Robe iz stava (1) ovog člana i carinske stope po kojima će se ove robe uvoziti do 31.12.2014. godine su, kako slijedi:

RB	Tarifna oznaka	Naimevanje	Carinska stopa %
1	1518 00 95 00	Nejestive mješavine ili dodaci životinjskih ili životinjskih i biljnih masti i ulja i njihove frakcije	0
2	2002 90 91 00	Paradajz, pripremljen ili konzervisan na drugi način osim sa sirćetom ili sirćetnom kiselinom; ostali, u neposrednim pakovanjima preko 1 kg	0
3	2711 13 30 00	Butan za hemijsku preradu	1
4	2804 69 00 00	Silicijum, ostali	4,5
5	3926 90 97 00	Ostali proizvodi od plastičnih masa i proizvodi od ostalih materijala iz tarifnih brojeva 3901 do 3914; ostalo	7
6	4205 00 90 00	Ostali proizvodi od kože ili od vještačke kože: vrsta koje se koriste u mašinama ili mehaničkim uređajima ili za drugu tehničku upotrebu; ostali	3
7	6406 10 90 00	Gornji dijelovi obuće i njihovi dijelovi, osim umetaka za ojačanje: od ostalih materijala	3
8	6406 20 10 00	Dijelovi obuće: vanjski donovi i potpetice, od gume	3
9	6406 90 50 00	Dijelovi obuće: ulošci i drugi izmjenjivi dodaci	3
10	6406 90 60 00	Dijelovi obuće: vanjski donovi od kože ili umjetne kože	3
11	6406 90 90 00	Dijelovi obuće: ostalo	3
12	7326 90 98 00	Ostali proizvodi od željeza ili čelika; ostali	3
13	7601 10 00 00	Nelegirani aluminijum	4,5
14	8308 10 00 00	Kukice, ušice, rupice i slično, od običnih metala, za odjeću, obuću, ručne torbe, putne predmete i druge gotove proizvode	3
15	8308 20 00 00	Čjevastе ili račvaste zakovice, od običnih metala	3
16	8308 90 00 00	Ostalo, uključujući dijelove	3
17	ex 8414 90 00 20	Dijelovi za upotrebu u proizvodnji sklopova za	1

		automobilске turbokompresore	
18	8473 30 20 00	Dijelovi i pribor (osim pokrivača, kovčega za mašine i sl.) iz tarifnog broja 8471: elektronički dijelovi	0
19	8501 10 99 00	Električni motori, motori snage ne veće od 37,5 W: istosmjerni motori	3
20	8504 50 20 00	Ostali reaktantni kalemovi i prigušnice: vrsta koje se koriste sa telekomunikacijskim aparatima i za uređaje za napajanje mašina za automatsku obradu podataka i njihovih jedinica	0
21	8504 90 11 00	Električni transformatori, statički pretvarači (npr. ispravljači) te reaktantni kalemovi i druge prigušnice: dijelovi: feritne jezgre	3
22	8505 90 20 00	Elektromagneti, elektromagnetne ili permanentnomagnetne stezne ploče, stezne naprave i slični držači	2
23	8534 00 11 00	Štampani krugovi: samo sa elementima vodiča i kontaktima: višeslojni štampani krugovi	0
24	8536 10 10 00	Osigurači: za struje ne veće od 10 A	3
25	8536 50 11 00	Ostale sklopke: sa tipkama	3
26	8536 69 90 00	Utičaći i utičnice: ostalo	3
27	8536 90 10 00	Ostali aparati: spojni i kontaktni elementi za žice i kabele	0
28	8541 10 00 00	Diode, osim foto-osjetljivih i svijetlećih dioda	0
29	8541 21 00 00	Tranzistori, osim foto-osjetljivih: snage gubitaka (disipacije) manje od 1 W	0
30	8542 31 90 00	Elektronički integrirani krugovi: ostalo	0
31	8544 42 90 00	Ostali električni vodiči, za napon ne veći od 1000 V: sa priključnim uređajima: ostali	4
32	8544 49 91 00	Ostali električni vodiči, za napon ne veći od 1000 V: ostali: žica i kablovi, sa promjerom pojednog žičnog vodiča većim od 0,51 mm	4
33	8544 49 95 00	Ostali električni vodiči, za napon ne veći od 1000 V: ostali: za napon veći od 80 V, ali manji od 1000 V	4
34	9607 19 00 00	Patentni zatvarači: ostali	8

- (3) Carinske stope na robe navedene u stavu (2) ovog člana, ne odnose se na robe koje su porijeklom iz zemalja sa kojima Bosna i Hercegovina ima zaključene sporazume o slobodnoj trgovini.
- (4) Radi ostvarivanja prava na uvoz robe navedene u stavu (2) ovog člana, uz carinsku deklaraciju se podnosi i potvrda Vanjskotrgovinske komore Bosne i Hercegovine da se roba ne proizvodi u zemlji ili postojeća ne zadovoljava potrebe domaće privrede i tržišta.

Član 3.

(Preispitivanje Odluke)

- (1) Bez obzira na rok primjene određen prema ovoj Odluci, Vijeće ministara Bosne i Hercegovine može dva puta godišnje preispitivati primjenu ove Odluke, i na osnovu činjenica utvrđenih u tom postupku, na prijedlog Ministarstva vanjske trgovine i ekonomskih odnosa Bosne i Hercegovine (u daljem tekstu: Ministarstvo), donijeti Odluku o prestanku primjene tarifne suspenzije za konkretnu robu, ako više nije u interesu bosanskohercegovačke privrede ili zbog tehničkog razvoja proizvoda ili izmijenjenih okolnosti ili ekonomskih trendova na tržištu.
- (2) Ministarstvo prati primjenu ove Odluke.
- (3) U svrhu praćenja primjene ove Odluke, Uprava za indirektno oporezivanje će na zahtjev Ministarstva dostaviti podatke o uvozu roba iz člana 2.

Član 4.

(Stupanje na snagu)

Ova Odluka stupa na snagu osmog dana od dana objavljivanja u "Službenom glasniku BiH".

VM broj 97/14
25. juna 2014. godine
Sarajevo

Predsjedavajući
Vijeća ministara BiH
Vjekoslav Bevanda, s. r.